



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXXVI. De Ministris mensæ.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

Pro quovis viliori officio.

Directio.

Domine Deus, melius tu nosti miseras at-
que infectionem pauperulæ animæ meæ,
quàm ego unquam queam agnoscere. Vile
officium istud ab obedientia mihi injunctum,
mihi longè convenientissimum est. Illud in
spiritu humilitatis tibi offero, & gratiam il-
lius ritè ad majorem tuam gloriam, Fratrum
meorum ædificationem, atque ad verum ac
sincerum meimetipsum consequendum de-
spectum obendi te oro. Hanc tu gratiam
mihi obtine sacratissima Dei Mater Maria.

Aspirationes sub illius exercitaione.

- Pf. 17. 28.* Tu populum humilem salvum facies Do-
mine, & oculos superbiorum humiliabis.
Eccli. 3. 21 Magna potentia Dei solius, & ab humilibus
honoratur.
Prov. 16. Melius est humiliari cum mitibus, quàm
19. dividere spolia cum superbis.

CAPUT XXXVI.

De ministris mensæ.

Eorum ministerium honoris plenum est,
quoniam hominum Deo consecratorum
societati intervium, quos ille illustrissimis ami-
corum ac filiorum suorum nominibus insignit,
ac numero suorum electorum adscripsit: Jam
non dicam vos servos, sed amicos meos. Ego
dixi: *du estis, & filii excelsi omnes.*

E o

Eo munere convenienti cum reverentia ut fungantur, poterunt cogitare, Refectorio, mensarum ordine, silentio, recollectione, gravi modestia, atque egregia sancti cætus ipsius compositione aptissimè exhiberi sacrum cœnaculum, in quo Salvator noster cum Apostolis pro ultima vice cibum sumpsit.

Illo igitur officio magnâ perfunguntur cum devotione, uniendo se sensibus & usui ejusdem sacratissimi Salvatoris nostri, qui maxima cum humilitate inter Apostolos suum nomen & conditionem ministri spontè accepit, quantumvis omnium Dominus esset. Etenim in cœna vigiliæ passionis suæ, illos humilitatem exemplo simul ac verbo docturus, ait, in Schola tua honori esse potius humiliari atque aliis ministrare, quam præesse, ut ipsi ab aliis ministraretur. *Qui, inquit, major est in vobis, fiat sicut minor, & qui precessor est, sicut ministrator.* *Luc. 22. 26.* Indequè semetipsum ipsis daturus in exemplum subjungit. *Nam quis major est qui recumbit, an qui ministrat? nonne qui recumbit? Ego autem in medio vestrum sum, sicut qui ministrat.* Ea fuit humilitatis & charitatis plena divini Magistri nostri Christi Jesu ad suis serviendum creaturis indulgentia. Et verò nunquid ministri mensæ officio perfunctus fuit, ubi iteratis vicibus ingenti populorum ipsum in desertum usque secutorum multitudini miraculosè cibum ministravit?

Directio.

“ Domine Jesu Christe, qui dixisti non venisse te ministrari sed ministrare, quique

K k §

reve-

522 SPIRITUS ACTIONUM

reverà sanctissimæ Matri tuæ, ac Patri Jose-
pho multis annis ministrasti. Hanc meam
actionem ipsâ tuâ sanctifica, mihi que, obse-
cro, gratiam concede, ut tuo illam exemplo,
in tua præsentia eâ charitate, humilitate,
modestâ, diligentâ ac dexteritate perficiam,
tuæ divinæ ut placeam Majestati, totique
huic Societati bono exemplo præluceam.
Virgo sacratissima, te quoque, istam mihi ut
gratiam obtineas, oro.,,

Interiores sub ista actione actus.

Insigni opus animi collectione hic est, eâ si-
bi aliisque diligentâ ut advigilet, ne modestiâ
vel tantillum amittat.

1. Domine, lætor omnino & glorior, ser-
vis tuis inservire quòd queam.,,

2. Divinæ Majestati tuæ officii hujus no-
mine obstrictum me plurimum agnosco.
Illo magno erga terrestres hosce Angelos
reverentiæ sensu perfungar.,,

3. Nunquid meritò gaudeo & exulto,
quod inter istos Sanctos mihi degere datum
est?.,,

4. Cœli incolis, imò & Christo Jesu a-
mantissimo Domino meo servire mihi vi-
deor.,,

5. Eja, anima mea, compotes nostri si-
mus, ut nostro ne desimus officio, neque
turbari nos sinamus. Convenientem exterius
ac devotam exhibeamus modestiam & Re-
ligiosè cuncta peragamus cum gravitate &
simplicitate.,,

Quivis

Quivis etiam interiùs actum suum ad quemlibet Religiosum, cui ministrat, pro diversa cujuscunque conditione, officio atque occupatione, dirigere poterit. Exemp: grat.

Ad superiorem. Deus Dominus noster est, cui in tua persona interservio; illius enim in ista societate tu agis vicarium.

Ad illos, qui salutis animarum procuranda incumbunt. Accipe, bone Pater Confessarie, aut Concionator, velcere, ut in servitiis tuis, quæ Jesu Christo reddis, conservare te queas.

Ad Seniores & Valetudinarios. Comedite, boni Patres infirmi, ut debilitatem ac languores vestros meliùs sufferre valeatis.

Ad alios. Accipe, serve Dei, & nutrire, ut divinæ servitæ porrò pergas Majestati. Accipite, mortificationis amatores, istud obsequium, ut molestos ac generosos peregrinationis vestræ protendere possitis labores. Vescimini, fideles Jesu Christi amici, ut opera vestra heroica, vestrumque in divinam ipsius Majestatem continuare queatis amorem.

CAPUT XXXVII.

De lectore mensæ.

Homo, qui duabus è partibus compositus est, haudquaquam solo nutritur pane materiali, hic enim soli corpori servit, verùm etiam pro anima spiritali Dei verbi alimoniã opus habet, veluti divinus Magister noster fidem facit, ubi ait: *Non in solo pane vivit homo, sed in omni verbo, quod procedit de ore Dei* Matt 4. 6.

Lector